

不館



長安宮詞

共 1 册 存 1 册 排架号 08268

向
番
詞
庚

①

如 飲

溫 水

安雅叢
刻十式

長安宮詞序

夫宏遠大雅之羣。深邃上清之選。盤辟承明之右。迴翔周衛之間。暮鑰宵鈴。殿東西而鵠立。晨膏夕炬。日雙隻以鳧趨。當其密命親承。殊恩疊沛。遠道上供之品。許以倭分。尚方給賚之珍。免其占謝。私衷什舞。奉賜物以名堂。別集流傳。編德音而弁簡。荷盛世非恆之貺。極儒臣希有之遭。斯所云班禮俱崇。恩華特重者已。若夫李珣爲當代。士僅博明。經石苟是我輩人。竟甘小縣家法。旣試驅簿笨而出國門。除書倏來。戴惠文而趨公府。鮮清切論思之美。有喧囂犯慮之煩。未免勞簿領。以經年。悵觚稜於萬里。乃竊觀於研孫觀察而有異焉。觀察稟靈并絡。流譽汾

難。以揚馬之同鄉。效宓巫之爲邑。惟斷斷偏方之小宰。實翻翻盛府之元僚。卓子康宜以寢德。侯子封杜牧之乃爲奇章。公掌記。方刊碑於邑子。爰推轂於疆臣。刻牘游登。俟裝赴引。倘依流於平等。墨綬常拖。儼擢秩於參僉。丹臺特注。維時士衡入洛。景倩登仙。朝貴歡迎。卑禮欲招之門下。勝流酬答。新詞已徧於都中。孫宏有材。館重寶。汲黯爲勛。門揖客。當筵擊節。秦七黃九之知名。代舍聯裾。王後盧前之競美。方謂有井水處。爭唱歌頭。那知無定河邊。忽堆戰骨。紅羊換劫。青犢憑妖。警宵燧之漫天。觸炎風而戒路。遂隻身以歸晉。復重譯而入秦。友朋將短策贈行。妻子共長纜託命。露車休憩。清蹕來巡。嶽蓮十丈。以迎。

變。灞柳千條。而拂仗。翠華待幸。萬靈拱夫。神皇綿絕。習儀百辟。朝於王所。蓋關陝之山川如故。而漢唐之宮闕已非。飾使節之故轅。張屬車之行幄。堂階隘偪。門闥洞連。非樓宇之高寒。尚池臺之陰鬱。微泓印月。宛通太液之波。嘉蔭迎暉。如借上林之樹。設中樞於左城。布前席於東榮。司壺板其如聞。奉羹牆而易見。聖情少豫。儉德孔昭。堯觀華以匪康。禹卑宮而勿恤。竊惟支應。內廷之役。宜有管司總局之員。觀察臚師帥之尊。攝監司之重。奔奏承乏。委宅在公。句當慎選。夫尼堪承遞。端資乎諳達。壽膳御膳。大坦坦之攸司。朝班夕班。暇吾吾而悉辦。貂璫未備。則下吏趨風。雉扇常開。而外官向日。跪承明。

間。記十四見而猶稀。濕荷。隆施賜十七餐而未已。染毫素。蹙俾分王者之香。揮翰朱牋爲錫。天家之福。紀綸音之問答。自可成書。勞。敕使之往還。曾無虛月。敬陳蠶管。納下臣濟變之言。優賚夏蹄。給遠官辦嚴之費。此東方滑稽之輩。未堪比其光榮。卽南齋清秘之倫。抑且輸其矜寵者也。爰屆馳驅之暇。特資撰著之端。本宣德以抒情。亦感恩而紀遇。仰娥臺之儉樸。所見所聞。述。娒帳之焦勞。欲歌欲泣。瑣屑胥登之日錄。謳吟悉播爲風謠。紀以七言。都爲百首。宛披秀水。舊聞之帙。如讀江村。退食之編。屬移節於茲方。謬索言於下走。曾燠灑竿赤縣。捧袂青門。當三輔之僑居。正。六飛之臨滫。迂蹕車旄之側。祝

釐。檜。極。之前。將引。觀以循資。適言旋而謁假。鳩營巢其逾拙。驥伏櫪而自甘。辱惠瑤緘。獲觀錦製。較花蕊夫人之作。比儼非倫。景繡衣使者之尊。欽遲曷極。勉酬來指。良切歎私。光緒壬寅四月。秦中屬史南通州顧會炬。

長安宮詞

行在內廷支應局督辦署陝西鳳州鹽法道授江安糧儲道臣州延崇紀
鏡裏八流縈紫甸雲中雙闕擁黃圖漢唐王氣今銷歇又遊
變興作帝都

光緒庚子八月

兩宮在太原下詔巡幸西安護撫臣端

方奏明設局恭備供奉事宜飾南北兩院為行宮北院巡


撫所居南院則總督行館也聖駕蒞止居於北院取其屋

舍較多然草草修葺僅蔽風雨而已

傍水千廬似客寮六飛停處雨飄蕭王公箇箇如楊柳淚眼愁

眉過灞橋

16) 17 8 10
10 10 10



16 / 170 11/16
28
10

17
10
170
270

聖駕於九月初四日幸西安。午前到灞橋。百官跪迎道周。傳膳後入城。是日微雨。

南院高寒。北院低。御廚東設炭房。西日中殿上呼寬。遠零落。貂璫總不齊。

行宮極狹隘。膳房在東。炭房在西。內監惟御前供奉者在宮中。餘俱在宮門外東街箭道。謂之大坦坦。兩宮太監數千人。其奏事首領稱為寬爾達。餘亦各有品秩。此次隨扈者不及百人在。御前給事者數人而已。

新立屏風對寢宮。朱牋戩穀字當中。聖人初試。霜毫筆寶硯。烘殘墨暈紅。

皇上寢宮門外新立屏風。上以朱箋親書戩穀二字黏於

上時硯冰久涸。命熾炭炙之。委員湯志尹等待於側。

多難尤應惜寸陰。卑宮菲食。聖人心土圭五寸。臺三尺。但覺

長安日易沉。

寢宮無暑漏。慈聖命於院東置小土臺。上設木晷以測

日景。

不因苦諫伏青蒲。崩角都教內監扶。祇為月宮門戶小。團圓不

便老。臣趨。

兩宮初蒞長安。在行宮二重殿東室。召見臣工。門作圓

月式。垂棉布簾。王相國趨入。輒為門限所阻。仆於室內。趙尙

書繼之又顛。兩宮亟命內監扶起。次日即斷圓爲方。寬綽無礙矣。

聖壽都教罷御筵。每逢佳節。淚漣然。從臣漫點梨園籍。更有何心奏管絃。

聖駕幸陝未久。即值皇太后萬壽。當事者欲選梨園樂部以進。兩聖聞之。嚴斥不許。嗣後每遇佳節。一切典禮筵宴。均先期降詔停止。

兩裏青驛路。百盤秦雲。西望怯長安。三城才得蕪亭粥。信有人間行路難。

延拜西安知府之命。十一月初二日。謝恩召對。兩聖

爲述七月二十一日出都情狀。及道上所遭。淚隨聲下。延亦痛哭失聲。慈聖云。昔在宮廷。即聞讖緯。有西幸長安之說。故出都後。一言幸陝。心輒悸之。兩聖過懷來縣。始得進膳。

三城懷來地名。

拾橡空山。繭足行麻鞋。調帝不勝情。重勞天語詢兒女。知在長安望月明。

慈聖詢延出都月日。并問過宣大時。家小曾否受驚。延詳陳以對。聖恩高厚。舉家感激涕零。

減稅蠲租。卹曠災。興元重下。詔書哀二千石。要知民隱。取汝曾爲縣尹來。

兩聖深以秦中災荒爲念。間延官山西時。曾否從事賑撫。延
奏山西壬辰年北路被災。曾隨護撫臣胡聘之籌辦急賑。
慈聖云。胡聘之爲京卿時。派辦畿輔賑務。甚爲盡心。諭延
到任後。務以賑事爲重。且云汝歷官劇縣。必能周知民隱。所
以特簡首郡者。正以此耳。

百萬哀鴻泣路歧。九重連日沛恩施。炊烟濃處朝曦上。正是
城中飯熟時。

秦中苦饑。遠近饑民聚於長安。兩聖命於城關增設粥廠
二十餘所。就食者日恆十數萬人。苟非聖駕在此。鄰省赴
糴者多。斷乎無此財力。

朝來積雪壓柴門。鶉結爭趨祇樹園。共喜萬間開廣廈。寺名真
合號。慈恩。

慈聖又命撫臣於城關翔設暖廠十餘所。城外雁塔寺齋舍
較多。飢民就撫者倍於他廠。

供奉何人進畫圖。行宮亦有憚清于。日長類喚先生入。伏地
閒談當說書。

雲南發婦繆素筠。以畫供奉。慈甯久矣。太后西幸。隨

駕至長安。仍居宮中。太后幾暇無事。輒召入寢宮。賜

坐地上。閒論今古。內監皆稱呼繆先生。

驚。礎。遠。隔。雁。門。關。禁。院。深。深。鎖。玉。顏。不。是。內。家。有。拘。束。出。門。

早化望夫山。

繆素筠有姪。留滯北都。姪婦年二十餘。素筠隨駕至秦。攜

以入宮。居於太后寢宮東偏小室中。終日不得出戶。

瀟函遠自故宮來。料得威姑。忍淚開獻。襪正逢長。至日北風吹。

老一陽回。

十一月冬至前二日。北京人至。行在留京王大臣各有貢

獻。皆食物常品。惟穆宗某妃遣人賈獻。慈聖履襪數事。

爲適用之物。

栗烈何人耐。歲寒尙方猶。自御絨冠。敝貂淺託。紅絲結多少。從

臣帶淚看。

長安諸工皆劣。貂皮又遠莫能致。皇上冬日猶御絨簷秋

帽。秦撫岑春煊請易貂簷。親手捧出。徧覓豐貂不得。僅以敝

貂纂之。

鳳池春暖衍恩波。玉紐朱絲字不訛。竹契魚符遺制在。不愁少

府費錢多。

慈聖防弊極嚴。慮糧臺支應局或不免中人求取。特召主

者。宮中支一錢一米。必以朱泥小印爲信。以故兩局月費

不及萬金。始終無求索之弊。印文曰鳳沼恩波。慈聖所常

佩者也。

祀罷勾芒送卻冬。土牛戢戢鼓逢逢。小臣自捧新圖進。畫筆居

長安宮詞

然有戴嵩

庚子十二月立春先一日。迎春祀勾芒神。因念都城是日應由順天府進春牛及春山寶座。延守郡行京。與順天無異。特選畫工依欽天監頒式。寫春牛圖進呈。而順天府亦寫圖由驛馳至。同於是日呈進。半臂。輕籠。緝蟒衣。中官三五立。金屏。聖人新御黃絨帽。長穗垂肩。看賜緋。

除夕前數日。召行在官員。有內廷差使者。各賜綢緞數端。是日午後同詣前殿謝恩。皇上御便服小冠。冠頂綴紅絨結。垂肩黃絲穗。長尺有咫。內監皆服蟒袍。外學青色半

臂。而以藍布裹頭如營兵。鏤玉堆槃菜。甲鮮咬春遺制。至今傳。小臣不作承明夢也。傍堯廚撰御聯。

立春日。宮中以大盤二。各盛生羅鬪二條。鏤字爲聯。分呈兩宮。謂之咬春。延應命撰二聯語。內監有善鏤字者。刻畫甚精。此沿前明遺制也。

忽傳五福降中天。黃帶蓮裙拜殿前。天語溫和寢政美。臣心不二主恩偏。

十二月二十八日。兩聖賜臣延及內務府郎中增崇。河南布政使端方。署陝西布政使胡湘林。按察使馮光適。署督糧

道李紹芬。御書福字各一方。諸臣同詣前殿謝恩。慈聖數目延。端布政奏曰。此西安知府胡延也。慈聖領之時。委員湯志尹立門前司啟閉。聞慈聖謂左右曰。胡延較前清瘦。首郡政繁。勞苦可知也。

門鎖金蟾夜漏長。中官吹燭倚烟廊。碧闌干畔施茵褥。直把瑛階當玉牀。

兩聖寢宮窗外。每夜有內監數人。更番坐守。臥者即在階上陳茵褥焉。

金貂簇簇紫茸翻。鴟鷂分行靜不喧。平日宮廷能造膝。朝班卻在二重門。

辛丑元日。百官詣行宮朝賀。皇上御前殿正坐。王公班在階上。樞臣及各部院秩一品者在階下。侍郎以下各官皆在二門外。延等平日供奉。在寢宮階上跪安。此日序班則遠在大門內二門外矣。

奉宸久作禁臣看。幹辦勾當事幾端。宮監不分中外秩。傳宣猶自喚都官。

延守西安之日。即充行在內廷支應局提調。每日辰初入內。午初散值。日晡入內。闔門散值。俄權糧鹽道篆。充督辦仍兼提調如故。聽差委員湯志尹。馬蔭梧。舒黎。陳官韶等八人。則朝夕在宮門應候。遇有傳辦之事。內監輒語委員曰。有

旨傳爾堂官胡延來。蓋不知中外官秩之分。竟以堂司爲長官。屬吏之通稱也。

亦有材官似虎。罷迎。變爲說出關時。播遷倍覺。君王重翼蔽方知。聖母慈。

京師七月之變。兩聖乘車至沙河。岑春煊帥師迎之。遂隨扈以西。材官林泰清者。短小精悍。膂力過人。步行扈。駕跬步不離。潰兵亂民。有來犯者。輒手刃之。日恒殺十數人。在長安。行宮爲延言。聖駕出居庸關時。匪黨四出。槍彈如雨。兩聖共乘一車。皇上在車內。太后坐于轅上蔽之。皇上圍請易位。泰清亦跪請之。慈聖泣涕曰。皇帝關繫重。

何可使臨鋒鏑。子老矣。殆無妨也。嗚呼。患難之際。慈孝益彰。泰清言至此。涕泗交下。鬚髯奮張。延輩聞之。幾於痛哭失聲矣。

八扇金扉向曉開。凌寒奉帚鬢徘徊。當階仰見天顏樂。笑汝秋風折桂來。

聖駕初至。宮門委員陳官韶。每晨入內視灑掃。一日太后見之。顧謂陳曰。汝何官。陳跪奏曰。臣大挑知縣也。太后蹶然曰。汝乃舉人耶。

獨駕柴車出建章。黃雲隴首望新疆。可憐十萬橫磨劍。祇贖臨歧淚兩行。

兩聖至長安後。譴責肇禍諸臣。命下之日。延詣瀾公。英年。趙舒翹。行館宣詔。親率緹騎逮英趙二人入獄。次日復以官車遣瀾公就道。瀾公以宗室近支。得從議親之條。發遣新疆。那有鬻山畫采繪。帝城元夜冷如冰。中宵好是團圓月。滿照宮庭當試燈。

長安元夜燈火最盛。兩聖以年歲荒歉。宵旰憂勞。不許民間放燈。宮中惟以紙糊數燈懸於門楣。十六夜後即命撤去。

蠶臚高敞試嚴妝。八扇門間透曉光。禁院無人花露濕。當階新燕一爐香。

太后寢宮。每晨當院設案置爐。燒麝香一支。太后妝罷傳膳。香亦燼矣。

壓綫宮。闈久被恩。何年重返苧蘿村。昨宵新作還鄉夢。春水如雲綠到門。

太后在京。召選浙江婦女能紡績工針綉者數人。納于宮中。以教宮人。聖駕至秦。隨者一人而已。長養宮中似日。礮五年繞。變膝嬰媿。北風驟緊。蘭芽折。內侍人人哭弄兒。

織婦挈一子居。宮中歷五年矣。能言歡笑。請安跪拜如儀。太后甚愛憐之。每膳必呼兒至。投以果。兒跪謝後方食。於冬

月在 行宮忽感傷寒病。一夕而夭。太后涕泣。心不憚者累日。

半開鸞鏡淺勻妝。來往珉階姊妹行。閒罷早安垂手立。數珠新染布衫香。

慶邸三女皆年少。居於 行宮。極為儉樸。平日皆著布衣。其

少者但施紅粉。入 寢宮問安。恒持香珠串。長一尺許。

莫唱迴波拷柁歌。風霜老卻鏡新磨。挑燈爲說當年事。曾奉

湘君走熱河。

內監有高四者。年六十八矣。自言昔隸 宮中樂部。唱生調。

旋改爲後宮給事。庚申京師之變。會侍 慈安皇太后。幸熱

河。後復隸 乾清宮。每夕挑燈至直廬。叩以往事。頗能道其

始末。又自言歷事 三朝。兩隨播遷。衰病交侵。思歸未得。回

憶五十年前。圓明園紅氍毹上。綠鬢簪花。不知是真是夢。

言次悽涼欲泣。無異于當日。上陽宮人。說天寶之遺事者也。

覽奏臨牕耐曉寒。暫移日影上花闌。監奴長跪從臣立。彷彿

儀鸞殿裏看。

兩聖晨間看章奏。俱在 寢宮牕下。奏事太監呈摺訖。卽跪

於案前。延等有事入內。輒立於牕外。

徹饌頻聞步屐聲。挑燈夜夜繞廊行。重門聽下黃金鑰。爆直歸

來恰二更。

太后晚膳後必在寢宮前後巡行一周。然後闔門。宮監謂之遶轡。延等聞下筵鑰。卽歸休矣。

出納絲綸仗老身。手擎黃匣往來頻。六曹三院諸司吏。都作奎章閣下人。

舊制。內廷設內外奏事官。外奏事以滿部員充之。內奏事則太監也。行宮無外奏事。惟內奏事。平太監一人。遞摺宣旨。往來兩宮間。各部院司員領批摺者。悉集前殿東室。而軍機大臣內直廡。亦假此室。延等直內廷者。俟樞臣去後。亦憩息於茲。于辛丑夏間。都中外奏事官始至。行在鏡鑪。經旬。整御容。侍香。昨夜返金童。近臣逸樂天顏。喜不復。

殷勤覓燼工。

聖駕出巡。十日一薙髮。宮監執此役者。均未從行。屆日。特命侍郎溥興覓工。出入由侍郎帶領。每請髮一次。賞工銀四兩。幸西安半年後。內監擅此藝者。始自都來。行在。

草草穿成百八珠。朝冠一。樣伴。珊瑚探囊。幸有辛家料。未必千金值。一壺。

扈從諸臣。平日俱行裝。惟萬壽元日。著蟒龍補服。瓜佳相國以數金買一朝珠。兩聖見而問之。相國具以實對。君臣感喟之餘。轉以爲笑。皇上言出宮時。竟未携有烟壺。適相國囊中貯有二壺。係自京帶出者。立以進。御。近年辛家。

皮料壺價極昂。京中豪貴子弟爭購之。有以一千餘金而買一料壺者。

魚貫何人。永巷迎一星。長傍月邊明。臨牕夜夜呵。鸞鏡畫燭高。擊過五更。

聖駕西巡。後宮從者。惟皇后瑾妃二人同居。皇上寢宮

後小屋三間。每早皇上梳洗。皇后必親往侍奉也。

無人深夜抱衾。稠那見新詩出御。清祇有垂髻三五輩。簪花捧。不知愁。

兩宮侍女不及十人。年皆在二十歲內。月錢在前路糧台支給。謂之女子口分。

慈甯儉德幾人傳。夾布儼開踐破氈。最是寢宮門扇小。玻璃斷處綴連錢。

兩宮力崇儉省。官中布地用舊氈。而延等入內請易新者。

太后不許。寢宮窗隔玻璃破。命以紅紙剪鑲式連綴粘之。

翠鼎濃煎上藥宜。太原回首下車時。行宮日午鷓行散。別遣

中官召御醫。

兩宮西幸以來。雖亟憂勞。而聖躬甯豫。太后小有違和。

在太原時。巡撫荐縣丞葉嗣高請脈。立和胃舒肝之方。煎膏

以進。幸西安後。大臣復荐知府吳觀樂。知縣徐本麟。與太

醫莊守和等。於早朝後入內請脈以爲常。

月頭不費買花錢。那要官家粥米田。信是周南風俗好。王姬先詠柏舟篇。

慶邸有女三人。隨 駕至長安。其一少寡。官中呼爲元大奶奶。葛披練衣。不施朱粉。居於 太后寢宮西偏室。微聞戚里。走香車。隔闥遙看。內苑花。面藥口脂。新賜與。拜 恩。曾不過三家。

王公福晉及外戚夫人隨扈者。只慶邸二側福晉。及桂公夫人。每逢令節。頒賜入官謝 恩。平日未嘗 召入。

局布無嫌吉貝粗。綾綾雖細亦模糊。江南進得千番錦。得似成都貢綵無。

湖北貢局織布疋數百束。蘇州貢綢緞而無紗羅。延等分購紗羅數十疋進呈。兩宮夏衣始得無缺。惟江甯織造增崇貢綢緞袍褂料數十箱。以備 賞需。

不聞衛署報嚴更。那聽城頭警夜聲。只有羽林兵四五。殿頭尤坐到天明。

行宮禁衛雖嚴。夜無傳籌報更者。兩重門內。邏者各二十人。皆岑撫部下甘軍。殿上惟虎神營兵四五人。秉燭守夜而已。滌盥傳盃早暮趨。玉階簇簇擁官奴。有人昨夜新承寵。綴上冠頭一顆珠。

兩宮傳膳。內監十數人來往傳遞杯漿。極爲嚴肅。供此役者。

冠皆無珠。蓋新進無秩者也。間有供奉勤慎者。超出儕輩。冠始有珠矣。

強扶愁病走天涯。回首并州淚旋揩。同伴相逢還絮語。來時曾荐入關齋。

兩聖在太原啟鑾時。有內侍二人。病不能從。遂留於太原。無何死其一。莫甯道許涵度爲之棺殮。寄櫬蘭若。作佛事三日。其一扶病行至長安。哭訴。太后以涵度能恤旅客。命以江綢數卷賞之。

行宮無地奏笙簧。殯遣中官。賜篋篋。一椽。被恩寬禮。數殿前。惟拜左賢王。

聖駕在長安。各直省貢方物。無貴賤悉以分賚臣工。從扈人多。雖王公不能徧及。而延與撫藩每賞必預。一年之中。先後得二十餘次。恩至渥矣。故事凡內廷賞賚。由奏事處頒發者。必詣闕謝。恩由中官頒發者。往往諭免。延與各官。必賜宸翰珠珍。方入內叩謝。餘俱由中官頒到。傳旨免其謝恩。惟蒙古親王那彥圖。但被賞。必詣殿跪拜。蓋皆由奏事處頒賚也。

天中誰復佩靈符。處處朱門綴艾蒲。惟有寢宮循舊俗。當榴倒貼紙胡盧。

端午日。行宮內外門。各插蒲艾數莖。兩聖寢宮門楣。倒

貼紅紙胡盧。蓋北都舊俗。

雲牕高敞。幕輕羅。奈此炎天。返照何。十丈竹簾。新掛穩。珉階風細。感微波。

太后寢宮階仄。長夏日光偏射。殊苦炎熱。特命製竹簾數。掛垂於簷下。

爲想琳瑯夢石渠。小牕雲鬢午晴初。坊間覓得新繙本。不遺陳農訪異書。

兩聖在行宮。無書可觀。時遣人在坊間購石印三通。九朝聖訓。御批通鑑輯覽。淵鑑類函等書。當事者欲求善本以進。竟不可得也。

曲樹層樓宛轉通。聖人居處百花濃。赭黃袍映朱闌立。正對終南第一峰。

行宮惟終南仙館。植有花木。皇上寢宮在焉。東有樓。顏曰悠然見南山。巡撫畢沅筆也。上於視朝之暇。時往樓登眺。玉龍汨汨引泉源。水暖應知土脈溫。新種荷花三百本。小紅橋外綠雲翻。

終南仙館池水久涸。上命汲井水灌之。新種芙蓉。因水性過暖。不能開花。惟一池翠葉而已。

行宮無地築金龕。妙相空來麗。跋盞贏得從官三。奉使香林深處學和南。

西藏蒙古屢貢佛相至。行在。兩聖以宮中無地供奉。先後命胡湘林李少芬及臣延請至省城臥龍寺設位以祀。畫棚高揭紫繩拖。硬破森森倚翠娥。日午忽驚花影暗。夜來新覺雨聲多。

行宮夏日搭蓋涼棚。延與巡撫升允。布政李少芬。每日入內帶匠人棚搭四處。召見殿。皇太后。皇上。皇后三處寢宮耳。

賜茶小憩偏房。抵得金莖露幾杯。鈴索無聲花院寂。揭簾忽報聖人回。

五月某日。延與升巡撫。李布政三人。同入內帶匠時。太后

初起。知延等早至。特命在東院小房內小息。各賜茶一杯。忽。皇上揭簾入。延三人亟長跪請安。皇上問數語而出。上蓋閒步偶入。初不知延三人在房內。

玉食何曾備萬方。黃綈輕幕試羹湯。大官選得雛盈握。別有金錢出便房。

聖駕在長安。力崇節儉。兩聖每月茶膳兩房所需。不過三四千金。大田坦廚房百十人茶飯。皆在此數。每日支應局進生菜。悉依傳單。買肥鷄三四支。猪肉十五斤而已。如廚房添進時鮮菓菜。如多用鷄肉。皆在內司房領價。不與支應局常供有所增益。

幾日南薰滿漢宮。御牀茵褥一重重。桃笙象簟渾難得。聊翦輕黃葛布蒙。

長安四月已苦熱矣。行宮卑隘尤甚。兩聖寢宮及召見殿御牀茵褥仍用棉布。太后召延入內。諭買葛夏布蒙之。秋後拆去。仍可施設。其節儉如此也。日暮。陳宮失。應劉淮南鷄犬亦荒。鵲翩翩鳳翮延鴻閣。此是天潢第一流。

近支王公隨駕者。惟貝子溥倫。每早必至。行宮。貝子凝重清淑性尤好文。宗室令器也。行宮前殿西室。爲王公及禁衛武員直廬。東室則軍機大臣及延等待。詔處。貝子喜近

文士。恒自西而東。嘗見其所書小楷。極似天瓶。又見所作胡蝶詩四律。亦清秀可誦。貝子自號延鴻閣主人。

日午槐陰轉玉除。御牀移傍小方壺。畫長人淨渾無事。半盞清茶一卷書。

皇上寢宮。搭蓋涼棚。延與升巡撫。李布政。入內領匠。上避於東園小方壺。內監捧書卷茶碗以隨。小方壺者。池上堂名。巡撫畢沅所題也。

覆盎城頭報五更。四來堂上候鷄鳴。宮奴雙舉黃羅繖。碧瓦如波。曉暈生。

皇上盱食宵衣。每日寅初必起。洗櫛後天尤未明。俟太后

興。卽入寢宮間。安同覽章奏。少選出御便殿。召見臣工。日
以爲常。不爽寸晷。所居東院北室。本名四來堂。今改四喜。
兩聖每出。凡遇晴雨。兩內監拿傘蔭之。天陰不用。
不聽冲冲納凌陰。幽風古詠竟難憑。宮中新購青磁甌。滿注
清泉。當貯冰。

長安天熱僭京師。有人意欲求冰以進。着人四處求之。終竟
不可得。升巡撫買磁缸四口。分進兩宮。日注清水。以充冰桶。
長陵何處望松楸。湘瑟無聲淚暗流。說到華胥虹降日。人間天
上。一時愁。

六月初九。延署陝西鹽法道篆。入內謝。恩見前殿燒燭香。

近侍兩邊站立。頃聞太后率皇上出。到案前行禮。內侍
亦匍伏。延在門外亦隨之跪。禮畢。太后行至門前。延免冠
謝恩。見太后淚猶在目。出問近臣。始知是日。文宗顯
皇帝誕辰。

桐酒如泉不易求。大官乳酪費尋搜。木欄新樹長楸側。下直歸
來。學放牛。

御廚房製乳酥。買牛最難。因秦荒牛少。數月購得七頭。迺
變時。太后不忍棄之。命西安府參養芻料。取給公家。於
馬房側木棚以養之。

隔牆施杖聽呼號。家法嚴防秦趙高。強項令逢驄馬使。鷄鷄冠

入狴狴牢。

兩聖管內監極嚴。但有過犯。用藤鞭之。六月中。大坦坦夜間。有細民闖入。眩。失衣物數事。太監郭姓。年十七歲。竟至朝房。詰長安知縣。責令捕賊賠贖。惡言詈罵。極無狀。知縣白於巡撫升允。據以上聞。兩聖召升允問狀。將郭太監鞭一千。命發咸甯縣監禁。因侮辱官吏也。乾隆時。內廷太監。常用秦趙高三姓。以示警戒。

漢濱桂樹復園芳。金粟如沙用斗量。記得當時充貢品。尙衣曾蓄隔年香。

漢中丹桂最盛。復園所產尤佳。結蕊時採之。晒乾薰衣。久而

不散。太后言在京有貢桂花者。與樞臣閒話。為延所聞。乃

揀花數兩敬呈。仰蒙賞收。

輾轆如波色。正黃含風易惹御鑪香。近臣都賜雷州葛。抵得絲袍蜀錦纒。

廣東貢葛夏布。兩聖以為佳。內廷諸臣延與撫藩皆得

賞焉。

摺扇一柄。鳳藻翔。朱泥寶印耀。奎章拜。恩親入。猗蘭殿。

捧出人間第一香。

四月。太后召升巡撫。李布政。胡鹽道。三人入。面賜御筆

畫蘭花紙扇一柄。背題詩五首。延得扇中有愿作人間第一

香之句。三人領之。各免冠謝。恩聞。太后親畫摺扇八柄。賜四軍機延三人。尙餘一柄。未知所賜何人也。

附抄張百熙尙書所題詩五首

空谷無言孰見知。何當披采到華枝。深宮欲寫求賢意。

獨向瑤階寄睿思。

叢繁綴紫氣含芬。妙繪新頒下五雲。殿閣風微香不

斷。只疑中有御爐薰。

謝覽才華竟體芳。清時何用擬蕭梁。幽姿不與羣花伍。願

作人間第一香。

鶴禁深深不染埃。託根新喜得滋培。風微複道輕香動。簾

外尙書進 御來。

漢苑移來小草榮。九重宸賞愜瓊英。看花好向猗蘭殿。

玉輦春風入 上京。

輕點朱唇淡染眉。攢花專子特相宜。珠簾玉盒都零落。特

命 命。

中官買土瓷。

皇后出京。倉皇之際。未曾攜帶粧奩之具。冬月在長安。命

中官購磁合木匣。以盛胭脂花粉香麝。皆民間通用之品。

漢宮忽報柏梁災。鑲玉樓傾長草萊。誰向北風問消息。尙書新

自故都來。

吏部尙書敬信。自京至 行在。召見。奏儀鸞殿燒燬及

近事。兩聖慘然。

金泥灑灑。灑長街。伏地爭傳。少婦佳斜。彈雲鬢紅暈。臉漫拾尖手。接銀牌。

太后到長安。民間少婦爭相瞻仰。某家婦年二十許。避在宮門內。鸞輿倏至。少婦讓不及。只得出跪門內。太后見其身穿補服。知爲命婦。而憐愛之。嘉其有禮。乃命近侍賞以銀牌一面。而少婦面紅於頰。叩頭謝恩而出。

同州瓜與渭南桃。日盼車聲過灞橋。竹筥盛來冰枕薦。深宮和淚試并刀。

長安果品少。無可進御。惟同州瓜渭南桃較佳。延與撫藩屆

時各購數百枚以進。兩聖轉增憤感。再三慰勞。并止後母進呈。慮費財力。每貢一次。實費十數千文。

不撰青詞奏九天。宮中日夜裊爐烟。火雲如織。輶車疾。乞得龍湫。太白泉。

秦中久旱。兩宮軫念災黎。發帑撥漕。恩詔疊下。特於五

月初吉。命侍郎桂春。詣太白山乞水。水至供於宮中。日夜禱祀。不數日。天沛甘霖。農田沾足。居然轉歉爲豐年。

豐碑兀兀起山岡。寶篆雙鈴御墨香。祇有杜遷能市石。撰文應讓蔡中郎。

長安旣降甘澍。兩聖發帑千金。修太白山神祠。召翰林院

撰碑文。頌揚神功。而以延董市石立碑之役。

金頂黃繒。鑲玉函。鸞輿新試。啟珠簾。聖躬磬折。慈容喜始。信。天家禮數嚴。

回轡有日。上命將新製二轎昇入。內廷演試。延與升巡撫。李布政督夫昇入。皇上奉。皇太后出。命太監八人抬之。皇太后先坐以爲適。乃命。皇上試坐。上因。太后立於旁。不敢就坐。太后笑謂曰。汝暑坐無妨。上乃作半跪式。暑坐卽下。一時融融洩洩。太后之慈愛。皇上之孝敬。於茲可見。是日皆有賞。

東西衛尉兩邊分門裏材官萃若雲。禁旅新添程不識。鴻行。

忽有上將軍。

行宮大門內外宿衛皆岑撫部下甘軍。以金造。林太清。馬福祥。三人分統之。聖駕將行。命固原提督鄧增率所部隨扈。鄧至殿上。與延同進。

黃卷新添翠墨輝。琳瑯滿篋載將歸。石經字愛開成好。不數江南將布衣。

兩聖知長安碑林多古刻。命撫臣各拓一本呈覽。拓本百十種。惟命將唐開成石經精楊數十本携歸。餘選閣帖幾種而已。按鸞駕出巡行李。謂之黃卷。

金殿留身日正中。安危重論徙薪功。退朝高敞蓬萊館。旌節花。

開一品紅。

陝西護撫臣端方。當拳匪方亂之時。凜遵諭旨。保安教堂最力。偶有亂民欲動。立正典刑。羽書下州縣。責令謹守條約。保教安民。幕府草檄。手腕欲脫。雖指摘交乘。全賴鎮定之力。全境安吉。聖駕得以安然臨幸。皆端方之力也。兩聖蒞止。深獎其能。擢升湖北巡撫。旋加頭品頂戴尚書銜。陞辭之日。召對獎勉。時過六刻之久。瀕行復賚宸翰。殊珍以寵異之。陝撫所居南院。因會飾爲行宮。非奉命不敢住。岑端升三人住。均奉旨賞住者。然出入只由箭道。正門仍局如故。

擾象馴。屋事萬端。又傳邊警到長安。北門坐鎮。須平仲。扈駕。何如守土難。

二月中。山西警信至長安。云洋兵將自直境來侵。已踰晉界。撫臣岑春煊立請召對。面陳欸守事宜。而以艱巨自任。兩聖深倚畀之。雖不令伊離行在。然晉邊事急。非岑莫能辦。卽日下旨移鎮春煊銜。命馳往撫恤被災教民。嚴劾起禍官吏。一面繕治邊備。洋兵竟不犯邊。秦晉安。皆岑力也。五柞長楊何處求。盆花點綴漢宮秋。朱槩翠葉耿相向。偏愛臨階小石榴。

太后寢宮最窄。院中亦無花木。局中月進盆花數種。修薛皆

不如法。惟端方進石榴四盆。老根蟠結如石。太后愛之。常降階賞玩。

牀屋牀漏。萬家同。生恐雨衣損。漢宮將作。有人新入。匠報名聲。襪雨聲中。

六月長安大雨。延等恐行宮屋漏。時常領匠入內修補。一

日同西安府傅世燁在寢宮相視。兩聖忽出。並跪請

安。太后不識世燁。指問彼何人也。世燁跪奏銜名。慈聖

復問籍貫。世燁奏對如儀。聖意甚為忻喜也。

輕揭珠簾。敞畫屏。寶光煜煜。透疎櫺。朱衣三寸。慈甯筆。玉女

臆中現壽星。

四月中。命將寢宮憲格格。糊冷布。東西配殿三格格所居。延帶匠入。格格避他室。見壁粘一小壽星。問之近侍云。是皇太后御筆。賜格格者。

尚食無多。翠釜虛。三河不復貢龍魚。青苣昨自撞關入。小店秋燈訪蟹胥。

兩聖在行在。膳房極為省儉。又以生魚難求。傳單不用。八月中。聞有販蟹自津來。延購八頭進呈。仰蒙賞收。

世變都由政教乖。救時醫國正需才。嘉謨已入宗臣告。立盼鴻都太學開。

七月二十二日。延授江安糧儲道。翌晨召見。兩聖問教時

之策。延對以拳匪之變。皆由教化不行。士夫不學所致。今非
廣興學校不可。昨見江鄂督臣會奏變法疏稿。言學堂章程。
甚爲詳細。請卽下詔興辦。以育人才。太后諭曰。汝有建
白。可與政務處商之。但有裨於時政。予與皇帝無不虛衷采
納。立見施行。延退後。樞臣入。兩聖卽命下詔開大小學堂。
又向官廷論將才。府兵強騎盡凡材。王朝虓虎彬彬士。都自
膠庠肄業來。

太后又問武備。延言古昔文武不分學校。羽箭詩書與射騎
並習。泰西各國兵士。莫不自學堂中來。今宜倣其制度。開武
備學堂。以儲將才。庶幾有勇知方。可備干城之選。若今之綠

練。各營將弁皆不知書。非疲弱卽獷悍。斷不可用。兩聖曰
愈。不數日亦降整頓武備之詔。

豈有人人張釋之。明光執戟聽輪費。從今別定停年格。著意清
源正本時。

延又言捐納實官。最有妨於新政。黷亂吏治。阻闕人才。莫此
爲甚。江鄂督臣會奏疏內亦曾言之。今欲整頓變法。請卽
下詔永遠停止。庶幾人人嚮學。兩聖深以爲然。立命樞臣
擬旨。遂於二十八日降詔。永遠停捐實官。

斑鬢婆娑進御勞。開門輕拂鳳凰毛。晴窗對整盤龍髻。玉案鏗
然落剪刀。

太后寢宮。有老婦二人侍奉。皆自北都隨至者。宮中呼爲媪。月錢在糧台支給。延等一日入內時。太后出御外殿聽政。見二婦在牕整理髻子。飛梳拋鏡。意甚整暇。寢宮風門幔上。綉鳳凰一隻。

寶髻雙分。尺許長。叮當環佩。出昭陽。平時不著雲霞。祇單攢花繡臂。褶。

皇后晨詣太后寢宮間。安恒立於殿後拱候。平日但梳平髻。御便服。長袍外單綉花半臂。

今年八駿東歸。日去歲六龍西幸。時聖主還京。天下樂老臣謀國。幾人知。

兩聖以庚子七月出都。以辛丑八月迴轡。歲適一周。三秦父老固樂。聖駕久居。臣工亦意見不一。或請在長安建都。或請遷襄陽開封。而太后皇上懷念宗社。日思回京。而危言詭陳。淆亂聖慮。惟老臣瓜佳相國。力解衆議。堅請回轡。并乞先期降詔。以定人心。故旨下之後。欸局大定。中外歡忻。

豹節鸞旂滿近郊。安排車駕過函嶠。前驅莫漫愁。風雨行幄。新添蒙古包。

聖駕將行。有人進蒙古包十餘座。製如行帳。以布爲之。有窓有門。內容十餘人。收之一馬可駝。至爲輕便。兩宮命在

行宮東院張開。親臨驗之。

石銚磚爐聽煮茶。行廚惟恐食單奢。鴛漿麟脯都無用。祇載城西水一車。

延七月杪奉旨勸視東路。行宮蹕路。太后諭飭各州縣官不得妄爲供張。一切從儉。而早中晚御膳仍依傳單備進。由膳房烹飪。惟去年西幸一路井水味劣。此次命汲本地泉水以供御茗。臨潼縣無泉。特由長安先載山泉水一車。足三日之用。渭南以下皆有山泉。不復用車載水矣。荒園白日走鼯。狹路難停頓使車。誰信六龍能駐蹕。叢篁深處置行廚。

東路五州縣。行宮皆亟簡陋。只蔽風雨。華陰尖營。假道旁李氏廢園。尤爲不堪。延復命時。面奏此園仄隘狀。太后喟歎曰。尖營但有一室。傳膳足矣。予上年在直隸道上。求如此園。尙不可得。而何歎歎耶。按唐書天子巡幸食宿處。謂之頓。元宗西巡。特召御史大夫魏方進爲之置頓使。錫流望幸。付空談。薦福慈恩久不堪。只有黃楊沾雨露。片時恩降八仙菴。

長安漢唐古跡久漚。伽藍名園百無一二存者。亦不堪臨覽。和尚道士。雖人人望幸。而聖駕不肯輕出。惟回鑾時。道經東城八仙菴。兩聖從內務府大臣繼祿之請。暫息片刻。

而去。菴較他廟畧淨。院植有黃楊樹二株。而蟠鬱蒼秀。大可數圍。乃五百餘年之物也。太后至樹下賞玩。獎言。銀絹。特頒殿令名。黃羅雲榜。一朝成。琳宮紺宇。都生色。更遣毘盧鼓吹迎。

鑾輿將啟行。秦中祠宇。悉頒扁額。共四十餘處。是時南齋供奉。惟尙書陸潤庠一人。奉召一日畢書。上以銀絹賚之。莫上蓮花玉女峰。天梯如線。路才通一言。又使山靈。怨不得開雲。逐六龍。

太后因來時未登華山。深以爲歉。今日迴鑾。欲登山遊幸。樞臣不知路險。不敢諫阻。而延奉旨。巡路回覆。命之日。

面奏華山路崎嶇偏仄之狀。兩聖爲之動容。登山之意始息。延攷華山志載。仁皇帝西巡過此。本欲登山。爲風雨所阻。而歎其山靈何太不幸也。然山高路險。實非宸游所宜。次日延進呈華山志書一部。

繡嶺雲開駐綵旂。行廚日午斷炊烟。去時飢渴來時飽。信是溫涼兩樣天。

回鑾前一月。東路五州縣。各發帑金萬數千有差。行宮驛路及隨扈王公大臣供張。悉取給於公。不以累縣官。臨潼一尖兩宿。領帑較多。去年聖駕經此。知縣舒少祥倉卒供應。亟爲整齊。從官亦皆飽腹。本年八月二十四日。聖駕還駐華

清宮翌日駐蹕零口。署知縣夏良材。竟不為從官設食。王公以下。皆是枵腹。以致人人怨恨。巡撫升允劾參。太后不欲以供張之故。參劾州縣。加恩交吏部議處。良材藉口乃兵丁糧食。其實衙內只設一廚。即無兵丁糧食。亦斷不足供千人之食也。驪山溫泉別有一源。極其寒冷。浴之得疾。知縣舒少祥。供應週到。加恩記名道。

前旌不用載飛鳶。雨裏何妨降玉泉。此是唐虞巡狩地。明堂高對華峰巖。

聖駕過華陰。駐蹕二日。華山下玉泉院。縣官畧加修飾。以備宸游。兩聖於召見臣工後。親往臨覽。是日微雨。大臣騎

馬兼蓋以從。院距縣城八里。對院道觀。志稱即古時明堂地。

正對三峰。

賜金增秩劇懷慙。別主情懷益不堪。魂夢依然隨鳳節。祇餘身向大江南。

聖駕九月初五日駐潼關。延仰蒙召見。諭以職守為重。

宜赴新任。不必隨扈遠行。延以供奉日久。受恩至深。叩別

天顏。無任依戀。奏對哽咽。不能成聲。兩聖亦悽然。復再三

溫言諭勉。延益不禁涕泣。是日蒙恩賞黃金四十兩。以為

之官路費。初賞銀壹千。太后恐取携不便。改賞黃金。天恩

厚渥如此。宜何如感激圖報也。次日同地方官在關外跪送。

并叩頭謝 恩。仰望 天顏誰不懷。嗟乎 河梁送別。今古
銷魂。况君臣之際乎。况供奉最久受 恩至重。延小臣乎。
不待中官頻致辭九重 慈孝。盡人知新聲若比香山樂。此是
元和聖德詩。

延供奉 行在內庭將及一年。宮中纖悉之事莫不周知。
故所述 聖德皆是實事。昔日王建作宮詞全然得自傳聞。
今日胡延作宮詞事皆親目所睹。王建詞中曾有二句云。不
是中官頻向說。九重曾遣外人知。

臣延蒙 賞珍物敬紀於後

庚子十二月十七日 賞大卷緞袍料二件 江甯縵裙料

- 四件 海參 江瑤柱 鱸魚 笋乾 鱈魚 珍珠菜
- 藤菜乾 魚肚 桂元 乾荔枝 福建糖蓮子 葛仙米
- 苡仁米 新鮮荔枝 牛奶子 宣威火腿 黃羊一隻
- 海參 鱈魚 魚肚 香菇 糟魚 大蝦米 鯊魚 香
- 片茶葉 新鮮荔枝 牛奶子 新會橙子 肥黃牛肉二
- 十斤 御書大福字一方 新鮮橘子 冬笋 鹹板鴨
- 大風鷄 五仁湯元五十枚 內製九藥八種 鄂鑄銀元
- 三十元 魚翅 開烏 魚肚 鱈魚 魚松 鹿筋 御
- 筆畫蘭花真泥金摺扇一柄 燻猪肉 晾羊肉 廣東雷
- 州細葛布袍料一件 花吉紗袍料一件 粽子 普洱茶

乾蟾蟹肉 大月餅 江甯綢肘花二藍袍料 天青褂料
 各一件 黃金四十兩

飲

海

送海

長安宮詞

一冊

(清)胡延

排印本

安雅書局

